

वारुणमथ पुनराग्नेयमेवमेवैतया पञ्चेकादशिन्येयात् ॥ १ ॥ अथोऽअग्निन्द्राग्नेमेवाह-
रुहः पशुमालभेत । अग्निर्वै सर्वा देवता अग्नौ हि सर्वाभ्यो देवताभ्यो जुह्वती-
न्द्रो वै यज्ञस्य देवता तत्सर्वाश्चैवैतदेवता नापराधोति यो च यज्ञस्य देवता तां
नापराधोति ॥ २ ॥ अथात स्तोमायनस्यैव । अग्नेयमग्निष्टोमऽअलभेत तद्धि स-
लोम यदाग्नेयमग्निष्टोमऽअलभेत यद्युक्थः स्यादैन्द्राग्रं द्वितीयमालभेतैन्द्राग्रानि
द्युक्थानि यदि षोडशी स्यादैन्द्रं तृतीयमालभेतैन्द्रो हि षोडशी यद्यतिरात्रः
स्यात्सारस्वतं चतुर्थमालभेत वाग्वै सरस्वती योषा वै वाग्योषा रात्रिस्तद्यथा-
यं यज्ञक्रतून्व्यावर्तयत्येतानि त्रीण्ययनानि तेषां यतमत्कामयेत तेनेयाद्वाऽउपा-
लम्भ्यौ पशू सौर्यं द्वितीयं पशुमालभते वैषुवतेऽहन्प्राजापत्यं महाव्रते ॥ ३ ॥ ब्रा-
ह्मणम् ॥ ५ [६. ३.] ॥

अथातो महाव्रतीयस्यैव । प्रजापतेर्ह वै प्रजाः ससृजानस्य पर्वणि विसस्रऽसुः
स विस्रस्तेः पर्वभिर्न शशाक सऽह्नातुं ततो देवा अर्चन्तः आम्यन्तश्चेरुस्तऽएतं
महाव्रतीयं ददशुस्तमस्माऽअगृह्णंस्तेनास्य पर्वणि समदधुः ॥ १ ॥ स सऽहितैः
पर्वभिः । इदमन्नाद्यमभ्युत्तस्थौ यदिदं प्रजापतेरन्नाद्यं यद्वै मनुष्याणामशनं तद्देवा-
नां व्रतं महद्वाऽइदं व्रतमभूद्येनायऽ समहास्तेति तस्मान्महाव्रतीयो नाम ॥ २ ॥
एवं वाऽएते भवन्ति । ये संवत्सरमासते यथैव तत्प्रजापतिः प्रजाः ससृजान आ-
सीत्स यथैव तत्प्रजापतिः संवत्सरेऽन्नाद्यमभ्युदतिष्ठदेवमेवैतऽएतत्संवत्सरेऽन्नाद्य-
मभ्युत्तिष्ठन्ति येषामिवं विदुषामितं ग्रहं गृह्णन्ति ॥ ३ ॥ तं वाऽइन्द्रायैव विमृधे गृ-
ह्णीयात् । सर्वा वै तेषां मृधो कृता भवन्ति सर्वं जितं ये संवत्सरमासते तस्मा-
द्विमृधे वि न इन्द्र मृधो जहि नीचा यद् पृतन्यतः । योऽअस्मांश्चऽअभिदासत्य-
धरं गमया तमः । उपयामगृहीतोऽसीन्द्राय त्वा विमृधऽएष ते योनिरिन्द्राय त्वा
विमृधऽइति ॥ ४ ॥ अथो विश्वकर्मणे । विश्वं वै तेषां कर्म कृतं सर्वं जितं भवति